



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FA-V12, FE-223	23/1131

HANDSAMING AV SØKNAD OM BYGDEUTVIKLINGSMILDAR TIL OPPFØRING AV UTLÅNSBU PÅ BERGO

Vedlagte saksdokument:

Søknad om bygdeutviklingsmidlar Eksingedalen IL

Kommunedirektøren sitt framlegg til vedtak:

Bygdeutviklingsutvalet løyver kr. 45 000,- i bygdeutviklingsmidlar til Eksingedalen Idrettslag til oppføring av «utlånsbu» på Bergo for utlån av idretts- og turutstyr.

Tilskotet vert løyvd som eit "fast" eingongsbeløp. Beløpet skal nyttast til tiltak som går fram av søknaden.

Tilskotet vert betalt ut etter innsending av sluttrapport, med betalingsoppmoding og kostnadsdokumentasjon.

Løyvinga gjeld i to år, fram til og med 01.10.2025.

Saksopplysningar:

Samandrag/konklusjon (kort om saka)

I søknad av 27.08.23 søker Eksingedalen Idrettslag om kr. 100 000,- i bygdeutviklingsmidlar til oppsetjing av ei «utlånsbu» på Bergo. Føremålet er at det skal vere lett å låne idretts-/turutstyr for dei som treng det.

Tiltaket er kostnadsrekna til 101 684,- inkl. mva. I tillegg kjem verdien av eige arbeid, budsjettert til kr. 51 000,- (170 timar). Samla kostnad vert soleis kr. 152 684,-.

Med bakgrunn i målsetjinga til bygdeutviklingsmidlane, med retningsliner, tiltaket sitt føremål og tilgjengelege tilskotsmidlar, går Kommunedirektøren inn for å løyve kr. 45 000,- til oppføring av «utlånsbu».

Bakgrunn for saka

Bygdeutviklingsutvalet har lyst ut ny søknadsrunde for bygdeutviklingsmidlane, med kr. 265 000,- til rådvelde. Det kom inn 11 søknadar, med ein samla søknadssum på om lag kr. 760 000,-.

Målet med tilskotsordninga er å skape trivsel og stimulere til aktivitet som er ope og tilgjengeleg for alle. I dette høvet kan lag, organisasjonar, verksemder og einskildpersonar søkje om tilskot prosjekt eller gjeremål med ålmennyttig verdi.

I søknaden frå Eksingdalen Idrettslag vert det søkt om kr 100 000,- til oppføring av «utlånsbu» på Bergo, med plassering på fotballbana, like ved Eksingdalen Oppveksttun.

Føremålet med bua er å låne ut idrettsutstyr, i første omgang skiutstyr for langrenn, tur og alpint, til interesserte. Utlånet skal vere gratis og lett tilgjengeleg. Søkjar trekk i dette høve fram at utlånet vil vere både berekraftig og økonomisk, spesielt med tanke på born som veks fort, og stadig vil ha behov for nytt utsyr. Det er elles stor interesse for turar og friluftsliv i Eksingdalen, med påfølgjande behov for slike utlån, i følge søknaden.

«Utlånsbua» vil bli bygd og drive på dugnad av medlemmar i idrettslaget. Utstyret som skal lånast ut, vil i hovudsak bli samla inn frå dalen, men det kan også bli aktuelt å samarbeide med Bua på Dale om utlån, går det fram av søknaden.

Innkjøp av byggjemateriell og verdien av dugnadsarbeid (eigeninnsats) er budsjettert til kr. 152 684,-, på bakgrunn av følgjande oppsett:

Budsjett inkl. mva	
Materialkostnader	61 684,- (sjå vedlagt faktura)
Torv til taket	25 000,-
Innredning inkl. måling innvendig	15 000,-
SUM	101 684,-
DUGNADSTIMAR (a 300,-)	
Brukt	115 timar
Timar som gjenstår	55 timar
Sum dugnadstimar:	170 timar (51000,-)

Nærar informasjon går fram av søknaden.

Formelt grunnlag:

- «Retningslinjer for tilskot til bygdeutvikling», vedtekne 26.05.20.
<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden vert vurdert som tilstrekkeleg opplyst for sakshandsaming og vedtak etter gjeldande krav.

I følgje bygdeutviklingsmidlane sin retningslinjer, skal midlane brukast til ålmennyttige føremål og leggje til rett for aktivitet i bygdene, med varierte opplevingar og levande bygdeliv. I dette inngår mellom anna stønad til prosjekt/tiltak/aktivitet, som gjeldande søknad kan høyre inn under.

Kommunedirektøren vurderer at idrettslaget sine planar om å setje opp «utlånsbu» er i samsvar med bygdeutviklingsmidlane sitt føremål, og dei verdiane som midlane skal fremje. Tiltaket er eit lågterskeltilbod som når breitt, med sosial profil. Tiltaket er inkluderande og legg til rette for fysisk aktivitet og friluftsliv. Samstundes fremjar initiativet samarbeid og lokal dugnadsånd, for å skape aktivitetar, opplevingar og trivnad lokalt.

I søknaden vert det søkt om midlar til oppføring av sjølvve bygget, og ikkje til utsyr. Dette fører ikkje til aktivitet i seg sjølv, men vil leggje til rette for utøvande verksemd, ved at det «eine fører til det andre». I dette høvet skil søknaden seg frå søknadar om vedlikehald til lagshus, som det har vore drøftinga om når det gjeld tildeling av midlar.

Kostnaden med innkjøp av byggjemateriell er budsjettert til kr. 101 684,-, inkl. mva, medan det vert søkt om kr. 100 000,- i tilskot. Dette utgjer i stor grad heile kostnaden med materialinnkjøp. Det vil i dette høvet vere naudsynt å vurdere storleiken på eit tilskot, opp mot innkomne søknadar, samla søknadsbeløp og tilgjengelege midlar, som er knappe, samanlikna med behovet. Kommunedirektøren går difor inn for kr. 45 000,- i stønadssum, som utgjer 44 % av innkjøpskostnadane. Ved å inkludere verdien av dugnadsarbeidet, vil tilskotet utgjere 29 %.

Kommunedirektøren vil peike på den dugnadsinnsatsen som vert lagt ned, men finn likevel ikkje grunnlag for høgare løyving enn kr. 45 000 i tilskot, ut frå ei samla vurdering.

Bygdeutviklingsmidlane sine retningslinjer seier at det skal takast omsyn til geografisk finansiering ved bruk av midlane, og at bygder som ikkje har fått midlar tidlegare, skal prioriterast. I dette høvet har alle bygdene i kommunen fått tildelingar, som regel fleire gonger. Eksingedalen er blant dei stadene som har fått flest tildelingar, og ved gjeldande søknadsomgang, er det kom inn 3 søknadar frå dalføret. Dette er teke med i vurderingane ved sakshandsaming.

Kommunedirektøren føreset at eventuelle, formell tilhøve ved bygging , er i orden før iverksetting.